

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 68 (2006-2007)

Heft: 7: Menschen sind nicht stapelbar

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>

● Commentari tiel tema principal

Martin Mathivet

Il tema principal dil Fegl scolastic tracta il tema dalla singularitat dil scolar/dalla scolaria da nos dis. Quella diversitat pren pli a pli dimensiuns enormas. Il sacados che nos affons e giuvenils portan ozildi cun els en scola, vegn pli e pli differentes. Sche la scola pren buca notizia da quella realitat e tila las consequenzas necessarias, sche fa ella pli spert che quei che nus manegein naufragi.

Oravontut il personal d'instrucziun stat avon in pensum pretensius, mo indispensabel. Tgi che sefixescha vinavon sin la didactica dils tschentaners vargai va era personalmein en in sac. Ina cumpetenza decisiva per in beinstar da tuts en scola ei la habilitad d'ir entuorn cun heterogenitad. Carstgauns san ins buca (pli) emplunar e metter en retscha sco fossas! Quei fatg pretendta dalla scola ina didactica individualisonta cun in program adattau allas pusseivladads da mintg'in ed in sistem da giudicament che mesira d'ina vart il svilup per-

sunal e posiziunescha la prestaziun en in concept standartisau che dat plaid e fatg transparentamein e capeivlamein sur dallas pusseivladads da mintg'in. Il model C (scalem superiur) che vegn propagaus intensivamein e sustenius finanzialmein dil cantun, va bein ella dretga direcziun mo po buca ademplir als basegns dil temps pli. Ina scola cun aulta qualitat sto ir in pass decisiv aunc pli lunsch. Ella astga buca daventar l'unfrenda da structuras definidas (= 2–3 roms da nivo) mobein sto s'orientar e s'adattar als basegns dalla clientella (scolarAs) – e lez ei bia pli diversificaus che 2–3 roms e nivos. Ella pratica vul quei gir individualisaziun, projects, gruppas da lavur, gruppas da prestaziun, partenadis d'emprender, etc.

Mo la scola sto era porscher survetschs supplementars (meisa da miezdi, surviglonza, accumpgnament da pensums, etc.)

Quell'optica ei era gest ina schanza per las numerosas scolas pintgas. Il model C pre-

tenda numnadamein in diember minimal da ca. 60 scolars ni dapli. Biaras scolas romontschas contonschan buca quei diember egl avegnir e vegnan sut squetsch da fusiu. Las consequenzas sin l'attractividad d'ina vallada senza scola (superiura) ein fatalas. Tgi va aunc a Vrin a star sche bab, mumma ed affons ston mintga damaun ora Glion a scola e lavur! Tgei famiglias vivan aunc vi la Val Müstair - senza scola superiura?

Forsa fuss ei buca tup d'era risguardar ponderaziuns empau excentricas cu ei va per definir gl'avegnir da nossas scolas e da nossas valladas! En mintga cass stuein nus ir da quei anora che negin fa per nus ils pensums da casa - quels stuein nus schon far sez – era ils responsabels per la scola han cheu in'obligaziun! Ed in pèr ch'jeu enconuschel han daveras priu ils pugns ord sac – bravo! Ad in pèr politichers (dallas regiuns) eis ei aunc da scaldar sut il tapun!

